



Laerskool Danie Malan

Tel: (012) 546-1358/1368
Faks: (012) 546-0705
Koos De La Reystraat 279
Posbus 16163
Pretoria-Noord 0116
www.daniemalan.co.za
E-pos: navrae@daniemalan.co.za

Tel: (012) 546-1358/1368
Fax: (012) 546-0705
279 Koos De La Rey Street
PO Box 16163
Pretoria North 0116
www.daniemalan.co.za
E-mail: navrae@daniemalan.co.za

OMSENBRIEF 11 – MAART 2018

Geagte ouers

LEED

Ons innige meegevoel met Marika Kühn en Owen Kühn met die die afsterwe van hul eggenoot en pappa, Karl Kühn. Mag God hierdie gesin aanraak met Sy liefdevolle krag en teenwoordigheid.

PERSONEEL

Baie geluk aan Me. Abiageal Brits wat op 24 Maart verjaar het. Baie geluk ook aan die volgende personeel wat in die vakansie verjaar: Me. Chimoné Botha op 29 Maart, Me. Annatjie Degenaar op 31 Maart, Me. Susan Myburgh op 1 April, Me. Chantell Schlechter op 3 April, Me. Marinda Quinn op 8 April en Me. Vanessa Bezuidenhout op 9 April.

VOORLOPIGE DATUMS VIR KWARTAAL 2 VAN 2018:

Let wel – die eksamendatums kan nog verander want ons het nog nie die provinsiale eksamens se datums ontvang nie.

10 April	SKOOL BEGIN VIR LEERDERS
11 April	Tafeltoertjies borgvorms uit Rugby 0/12 wyksproewe (Grizzlies)
12 April	11:30: Gr7's in saal (Gerrit Maritz) Rugby 0/13 wyksproewe (Grizzlies)
13 April	09:00: Gr 7's in saal (Pretoria-Noord)
14 April	Konsert : Oudisies (hoof- en by karakters)
16 April	18:30 Spelathon Gr 7 Afr Rugby 0/13 wyksproewe (Grizzlies) Sokker teen Eendracht (weg)
17 April	Graad 4 - 7 Rapporte uit 18:30 Spelathon Gr 6 Afrikaans Rugby 0/13 wyksproewe (Grizzlies)
18 April	17:30: Graad 4 - 5 oueraand 18:30 Spelathon Gr 5 Afr Skaak teen Orchards en Akasia by Rachel de Beer 14:05: Skaakoefening
19 April	17:30: IF oueraand (Gr 6 + 7) 18:30 Spelathon Gr 4 Afr ATKV Spelathon Gr 7 Eerste Addisionele Taal
20 April	ATKV redenaars uitdunne (H/S Menlopark)
21 April	ATKV redenaars uitdunne (H/S Menlopark) Bulletjiedag - skool Mini Netbaldag 6 + 7 jariges – Laerskool Hermanstad
23 April	18:30 Spelling Bee Eng Gr 7 Sokker teen Curro (tuis) ATKV Spelathon Gr 7 Huistaal
24 April	18:30 Spelling Bee Eng Gr 6 Netbal teen Rachel de Beer (weg)
25 April	Elevate (studiemetodes) opvolg kursus Gr 4 leerders

	18:30 Spelling Bee Eng Gr 4 en 5 Skaak teen Voortrekker Eeufees en Rachel de Beer by Rachel de Beer
26 April	Leerstof uit
30 April	SKOOLVAKANSIEDAG
1 Mei	WERKERSDAG
03 Mei	Rugby by Midstream
04 Mei	Leieraakvat Veldfliek Graad 7's op rugbyveld
05 Mei	Mini Netbaldag vir 6 – 9 jariges – skool Rugby 0/12 + 0/13 proewe by Oos Moot
07 Mei	Sokker teen Gen Nic Smit (weg) ATKV Spelathon Eerste Addisionele Taal (finaal) Rugby 0/12 + 0/13 proewe (Grizzlies)
08 Mei	Netbal teen Akasia (weg) ATKV Spelathon Huistaal (finaal) Rugby 0/12 + 0/13 proewe (Grizzlies)
09 Mei	Skaak teen Prestige by Rachel de Beer
10 Mei	HEMELVAARTDAG – geen oefening Rugby finale proewe (Grizzlies)
11 Mei	Kaskar Groot FM + pantoffeldag
14 Mei	Sokker teen VE (tuis)
15 Mei	Netbal teen VE (tuis)
17 Mei	Netbal teen Tuine (weg) Rugby teen Tuine (weg)
18 Mei	ATKV redenaars Semi finale tot 16 Junie
21 Mei	Sokker teen Tuinrand (weg)
23 Mei	EKSAMEN BEGIN Eksamen: Engels (Taal + Begrip)
24 Mei	EKSAMEN: GEOGRAFIE GR 4-7 Netbal teen Theresapark (weg) Rugby teen Hermanstad (tuis)
25 Mei	Leieraakvat ATKV Olimpiade Gr 7 Huistaal en 1ste Add Taal sluit Mini Netbaldag vir 7 + 8 jariges (L/S Wierdapark)
26 Mei	Mini Netbaldag vir 6 – 9 jariges (L/S Tuine)
29 Mei	EKSAMEN: AFRIKAANS (TAAL EN BEGRIP)
30 Mei	Graad 7 uitstappie na tronk
31 Mei	Graad 7 uitstappie na tronk EKSAMEN: NW EN TEGNOLOGIE (GR4 - 6) NW GR 7 Rugby teen Voorpos (weg)
4 Junie	EKSAMEN: GESKIEDENIS
6 Junie	EKSAMEN: EBW
7 Junie	Rugby teen Die Poort (weg)
8 Junie	EKSAMEN: SKEPPENDE KUNSTE (GR 4 – 7)
11 Junie	EKSAMEN: TEGNOLOGIE
13 Junie	EKSAMEN: PSW /LO
15 Junie	Leieraakvat
16 Junie	Slow pitch day - skool
18 Junie	Graad R - 3 rapporte uit
19 Junie	17:30 Graad R - 3 oueraand
22 Junie	11:00: SKOOL SLUIT Markdag: Gr 6 – geen boeties, sussies, vriende en familie wat nie van Danie Malan is nie mag saam met die leerders skool toe kom nie. Leerlinge betaal R5 vir behoeftige fonds en dra gewone klere
23 Junie	Rugby: 0/9 + 0/10 by Menlopark

ELEKTRONIESE TOELATINGSPROSES

Op 16 April skop die elektroniese toelatingsproses af. Huidige graad R'e en leerders met boeties en sussies reeds in die skool, is nie plek gewaarborg nie. Ons vra dat u stiptelik op 16 April om 08:00 voor u rekenaar sal sit om aansoek te doen. (Moenie vroeër probeer nie – indien u dit regkry gaan hul dit in elk geval verwyder). Moet ook nie u steur aan radio uitsendings wat ander tye aandui nie. U kan vanaf **16 April tot 28 Mei** aansoek doen. Ons raai u egter af om nie later as 16 April aansoek te doen nie. Onthou die plasing word kronologies gedoen. Die stawende dokumente moet binne 7 dae nadat u ingeskryf het by die skool ingehandig word:

- Afskrif van onoorbrugde “unabridged” geboortesertifikaat

- Afskrif van inentingsertifikaat
- Afskrifte van ouers se ID dokument
- Oorspronklike water en elektrisiteitsrekening
- Indien die ouer binne die voedingsarea van die skool werk, moet 'n bewys ingehandig word wat bevestig dat die ouer by die betrokke plek werk.
- Voltooide inskrywingsvorm van die skool met die aanlynverwysingsnommer daarop. U word nie verplig om die skool se inskrywingsvorm te voltooi op 16 April nie. U moet in elk geval die inskrywingsvorm later kom voltooi en ingee by die skool as u kind plek gekry het. Ons stel dus voor dat u dit reeds op 16 April kom indien nadat u aanlyn ingeskryf het.
- Danie Malan Graad R ouers kan net hul herregistrasievorm indien sowel as 'n "unabridged" geboortesertifikaat aangesien die skool reeds al u stawende dokumente het.

Ons beveel aan dat u bogenoemde die 16 de April kom indien, sodat ons van ons kant af kan seker maak dat u aansoek op die stelsel verskyn.

Hier volg 'n stap-vir-stap verduideliking van die aansoekproses:

1. Webwerf <http://www.gdeadmissions.gov.za>
2. Kies u taalkeuse op die tuisblad.
3. Klik op Aansoek vir 2019
4. Lees deur Termes en Voorwaardes en klik op "Gaan voort met aansoek".

Stap 1 – Registreer as ouer

- Voltooi die volgende: Ouer inligting (Suid-Afrikaanse burger / Nie Suid-Afrikaanse burger, land, ID, naam en van, Geslag, selfoonnommer, telefoonnommer, e-posadres, huis se munisipaliteit kies, huis dorp kies, huis se voorstad kies, huis straatnaam kies, huis straat nommer, huisadres, Werk munisipaliteit kies, Werk dorp kies, Werk voorstad kies, Werk straatnaam kies, werk straat nommer, werkadres, provinsie)
- Skep 'n gebruikersnaam en wagwoord. Daar is nie voorskrifte vir die gebruikersnaam nie (skep u eie). Die wagwoord moet bestaan uit 8 karakters en moet 'n hoofletter, kleinletter, syfers en spesiale karakter bv. asterisk (*) insluit – [Voorbeeld W@ss2018](#) (skep u eie). (Indien u reeds voorheen geregistreer het, sal u inligting nie steeds op die stelsel wees nie. Almal moet van voor af hierdie stap volg.)
- Daar gaan sekuriteitsvrae gevra word sodat u, u wagwoord kan verander sou u dit vergeet. (Vrae soos wat is u kind waarvoor u aansoek doen se noemnaam, gunsteling strokiesprent en u kind se vriend se naam sal gevra word.)
- Aanvaar die terme en voorwaardes. Moet klik anders beweeg u nie na die volgende bladsy.
- Dien aansoek in (submit).
- Inligting sal groen vertoon.
- Skryf u gebruikersnaam en wagwoord neer en bewaar dit.

Stap 2 – Leerderinligting

- Voltooi leerderinligting so volledig as moontlik.
- U gaan die volgende inligting hier voltooi: Suid-Afrikaanse burger of nie Suid-Afrikaanse burger kies, land, ID nommer of paspoort nommer, geboortedatum, name, van, geslag, huistaal, ras, provinsie en huidige Graad – dus Gr R en kies die skool.
- Dien aansoek in (submit)
- Inligting sal groen vertoon.

Stap 3 – Selekteer 'n skool

- U gaan vyf geleenthede kry om aansoek te doen.
- U gaan die volgende moet voltooi:
 - leerder se naam – behoort die naam te kan kies
 - graad – belangrik kies Gr 1 of 8 en moenie 'n fout maak nie
 - kies aansoek opsie nl. Huis, werk, boetie of sussie, vorige skool, skool van keuse, spesialis skool, tegniese skool, skool met koshuis). (**Baie belangrik: Gebruik die adres naaste aan die skool (huis- of werksadres)**)
 - Kies die skool
- Dien dan die aansoek in.
- Die inligting sal groen vertoon.
- U sal 'n waglysnommer op u selfoon ontvang.
- U kan by meer as een skool aansoek doen deur "apply again" te druk.
- Verander net die aansoek opsie nl. Huis, werk, boetie of sussie, vorige skool, skool van keuse, spesialis skool of skool met koshuis. NB – by die laerskool kan u nie tegniese skool kies nie.
- In u eerste aansoek moet u, u huis- of werksadres gebruik om aansoek te doen. Gebruik die adres naaste aan ons skool eerste. (U sal nie reeds met u eerste aansoek "school of choice" kan kies nie). Die aanlyn sisteem sal vir u 'n lys van skole gee waaruit u kan kies wat binne die 5 km radius van u huis- of werksadres is. Soek by die kieslys vir Laerskool Danie Malan en as u dit nie kry nie - Danie Malan Laerskool. Die skole behoort

alfabeties gelys te wees. U behoort ook die kilometer wat die skole van u huis of werk af is, te kan sien op die sisteem.

- Ons stel voor dat u met die eerste aansoek wel 'n skool kies wat binne die 5km radius val sodat u 'n waglys A nommer kan kry.
- Indien u buite die 5km radius van die skool bly of werk sal u 'n Waglys B nommer verkry. U nommer sal begin met WB240267. (240267 is ons skool se EMIS nommer).
- Indien u binne die 5 km radius bly sal u 'n Waglys A nommer kry. Dus sal u nommer begin met WA240267.
- Indien u 'n WB nommer kry was die stelsel nie in staat om u adres op te spoor nie en moet u stawende dokumente skool toe bring om u adres te verifieer.
- Indien u nie binne die 5 km radius van die skool woon nie, maar wel 'n ander kind in die skool het, mag u weer aansoek doen en dan "sibling" as keuse gebruik. Doen dus weer aansoek deur die "APPLY AGAIN" knoppie te druk. Indien u reeds 'n kind in die skool het in Graad 1-6 sal u outomaties op die A waglys geplaas word. U moet inligting oor u ander kind vermeld sodat die skool dit kan kontroleer. U gaan gevra word om die volgende inligting te gee oor die boetie en sussie nl. ID nommer, name, van, geslag, graad en skool).
- Indien Laerskool Danie Malan nie een van die skole was wat gelys was toe u met u huis- of werkadres wou aansoek doen nie, kan u ook weer aansoek doen deur die "APPLY AGAIN" knoppie te druk. U kan nou die skool van u keuse kies "School of choice".
- Ons beveel aan dat u by meer as een skool aansoek doen.
- Onthou elke aansoek moet apart gedoen word.
- Indien u meer as een kind wil inskryf bv. Nog 'n kind in Graad 1 of selfs een in Graad 8 kan u op die knoppie druk waarop staan "APPLY FOR ANOTHER LEARNER". U hoef dus nie apart vir 'n tweede en selfs derde kind te registreer of aanlyn aan te teken nie.

My application/ my inskrywing

- As u op hierdie knoppie druk sal u al die aansoeke wat u gemaak het, kan besigtig. U kan ook sekere van u inskrywings verwyder.

Baie sterkte met die proses.

TALENTAAND WENNERS:

Baie geluk aan die talentkompetisie wenners van ons skool:

Dans:

1. Marnique Breytenbach
2. Jordan du Toit

Sang:

2. Eleni Tryfilles

Marnique Breytenbach is as die algehele wenner aangewys. Ons is trots op julle.

HUISWERK – NUWE WERKSWYSE

Neem asseblief kennis dat ons die werkswyse wysig vir die aanteken en straf van huiswerk wat nie gedoen is nie.

Wat verander?

- Die goeie nuus vir die ouers en kinders is dat strafklas wegval.
- U sal ook nie meer elke keer 'n SMS ontvang as u kind se huiswerk nie gedoen is nie

Hoe gaan dit nou werk?

- Enige huiswerk wat nie gedoen is nie, sal voor in die leerder se skrif aangeteken word deur die voorgonderwyser.
- Die onderwyser sal ook 'n stempel druk by die huiswerk wat nie gedoen is nie.
- Die ouer moet by elke inskrywing teken wat die onderwyser oor huiswerk wat nie gedoen is nie gemaak het.
- U as ouer moet elke dag u kind se boeke nagaan of u kind vertrou om vir u die inskrywings te wys.
- Indien 'n leerder 3 keer nie huiswerk gedoen het nie sal die leerder 'n debiet in daardie vak daarvoor kry.
- Leerders wie se huiswerk gedoen is sal dan krediete ontvang.

Hoekom dink ons die stelsel werk beter?

- Dit leer leerders om verantwoordelik op te tree. Die verantwoordelikheid is weer die leerder en ouers s'n om te kyk of die leerder huiswerk gedoen het.
- Die leerders wat wel huiswerk doen word beloon en ontvang krediete.

KASKAR EN GROOT FM

Vrydag, 11 Mei: 07:00 – 11:00 Groot Fm & Kaskar! Hou Die Datum Oop!!!

TOEGANG BY HEKKE IN DIE OGGENDE

Neem asseblief kennis dat slegs ouers wat die skool se amptelike toegangskaartjie kan toon vanaf 10 April toegang tot die skoolterrein sal kry in die oggende. Die kaartjies is beskikbaar by die kantoor teen R10. Ons het 'n insident gehad, waar 'n persoon hom as 'n ouer voorgedoen het en van die kinders se besittings gesteel het. Om 'n herhaling daarvan te voorkom sal u die toegangskaartjie moet toon indien u by die terrein wil instap in die oggende. Ons het egter nie in die oggende die fasaliteite of mannekrag om u te laat inteken ook soos in die

middae nie. Maak dus seker u koop so 'n toegangskaartjie aan en pas dit op sodat dit nie in die verkeerde hande beland nie. Ons waardeer u begrip in die verband.

KONSERT

Die konsert gaan in kwartaal 3 plaasvind. Elke leerder wat deelneem gaan R180 vir konsertklere moet betaal. Ons moet reeds van die klere bestel en laat maak sodat dit betyds reg kan wees. Elke leerder van Graad R-7 kan deelneem. Voltooi asb. die afskeurstrokie in en stuur so gou as moontlik terug skool toe. U is welkom om die konsertklere af te betaal. Gebruik u familiekode en konsertklere as verwysing. Leerders wie se ouers vir vrystelling aansoek gedoen het en ontvang het en hulp benodig met die betaling van die konsertklere kan 'n brief aan die skoolhoof skryf en versoek dat die konsertklere geborg word. Ouers wat kan, is ook welkom om 'n minder bevoorregte leerder se klere te borg. Ons sal toesig reël tydens oefeninge in kwartaal 3 vir die leerders wat nie aan die konsert wil deelneem nie. Die leerders geniet dit gewoonlik baie en kry net drie geleenthede in hul laerskoolloopbaan om daaraan deel te neem.

BROODSAKKIE-KNIPPIE-PROJEK

Vir elke 200 broodsakkies vol knippies wat ingesamel word kan 1 rolstoel aan 'n minder bevoorregte kind geskenk word. Ons wil u dus aanmoedig om nie die knippies weg te gooi nie, maar na kamer B1 te stuur.

NETBAL

Baie geluk aan Yedidya Bangué Bangué Elombo, Awa Shange, Marang Muthopi, Taryn Hayes, Samantha Jansen van Rensburg en Nika van der Westhuizen wat Erekleure verwerf het in Netbal. Yedidya Bangué Bangué Elombo, Marang Muthopi en Awa Shange is gekies vir die GSS.

SKOOL VERDAAG WOENSDAG 28 MAART OM 11H00

Op Woensdag 28 Maart 2018 verdaag die Gr 1-7 leerders om 11:00.

OU SKOOLDRAG SKENK

Onthou asseblief om ou skooldrag wat nog in 'n goeie toestand is aan die klerebank te skenk. Ons benodig veral Atletiekdrag en Vrydagdrag hempies en broekies.

ONBEKENDE DEPOSITO'S

Die volgende elektroniese betalings ontvang, se verwysingsnommers is foutief en kan nie na die korrekte skoolrekening geallokeer word nie.

Datum	Verwysing gebruik	Bedrag
2017-10-31	Onbekend – 34079	R800.00
2017-12-29	Onbekend – 34079	R800.00
2018-01-15	ENSLIN REG 2018	R800.00
2018-01-15	ENSLIN REG 2018	R800.00
2018-01-15	SHALE	R900.00
2018-02-08	Laerskool Dsnie Malan	R1 000.00
2018-02-26	Laerskool danie malan	R2 500.00

Kontak asb. finansies om regstellings aan te bring.

Neem asseblief kennis: U moet u familiekode as verwysing gebruik. Indien u vir skoolfonds en naskool saam betaal, moet u saam met die familiekode 'n SK vir skoolgeld en NA vir naskool byvoeg. Indien u vir iets anders betaal behalwe skoolgeld moet u die familiekode en 'n addisionele verwysing soos Behoeftige fonds byvoeg.

LANDLOOPOEFENING

Daar is elke Maandag tot Vrydag gratis landlooptoefening by Hillside Golfbaan van 16:50 – 18:00. Skakel asb. die afrigter, Wessel du Toit by 079 544 1398 vir meer inligting.

Klub-datums:

- Saterdag 14 April Transnet byeenkoms by Kilner Park (aaron.mabena@transnet.net)
- Saterdag 21 April Uitsig hoërskool by Uitsig hoërskool (hanlie.truter@hs-uitsig.co.za)
- Saterdag 28 April Protea Cullinan Festival by Cullinan (landmanrudi@yahoo.com)
- Vrydag 4 Mei Asics Night Race by TUT Main Campus (allan.smith@asics.com)
- Saterdag 12 Mei Tshwane University of Technology by TUT Main Campus (mnyengezammb@tut.ac.za)
- Saterdag 19 Mei Monaco by TUT Soshanhuwe (joescabaloyi@gmail.com)
- Saterdag 26 Mei Transnet by Kilner Park (aaron.mabena@transnet.net)

Leerders skryf self vir die landloopbyeenkomste in. Dit is baie goeie voorbereiding vir die landloopseisoen van die skool wat in die derde kwartaal begin.

Onthou dat daar elke Saterdag om 08:00 'n gratis "Parkrun" van 5 km by Hillside Golfbaan is. Registreer by <https://www.parkrun.co.za/register/> vir 'n "Parkrun" en neem u hele gesin vir so 'n uitstappie op 'n Saterdag.

NASKOOL

Kontak vir Joanne Tintinger by 081 562 9907 vir meer inligting.

LOSIE / LAPA UITVERHUUR

Ons verhuur die skool se Lapa vir funksies met breekware en stoele en tafels ingesluit teen R2 500 per geleentheid, met 'n R500 deposito. U is welkom om die losie te bespreek by ontvangs@daniemalan.co.za of te skakel en met Annatjie Degenaar te praat.

GEBEDSGROEP

Ons mamas bid elke Woensdag oggend by Danie Malan vir verskeie sake, onder andere vir u kind in Danie Malan. Daar is baie krag in gebed, daarom vra ons kom bid asseblief saam met ons vanaf 07h00 tot 08h00. Vir enige navrae skakel gerus vir Liza by 073 310 1074.

Groete

Hettie Smith

Hettie Smith
Skoolhoof



NISSAN
Innovation that excites

SPOILED for choice!

EB Proudly part of the **MOTORGROUP**

SINOVILLE NISSAN
CNR LAVENDER & BRAAM PRETORIUS ROAD, ANNLIN
www.bbsinovillenissan.co.za | FSP: 22482

Contact us today

Juan - 079 872 0122
012 543 8700